

AB

41 $\frac{3}{k, 38}$


00 00 1/2

W. 44

Theol. K. X, 44.

Palmetum. Scapularia
imagines. Crucem.
& Elisabeth: p[er]span[ia]n[er]
testimonia. & p[er] p[ro]p[ri]a
cognata
a margarita hoc
hoc

11





SODALIS
MARIANVS,

AD IDEAM
VIRTUTIS
MARIANÆ

FORMATUS,
SODALIBVS MARIÆ
OMNIBVS
IN STRENAM
OBLATVS.

Mentitur  *J. Storck*

1740 -  

Storck

COLONIÆ,

Sumptibus FRIDERICI FRIESSEM
Bibliopolæ Coloniensis, sub signo
S. GABRIELIS Archangeli.

A N N O M. DC. LXIII.

LECTORI MARIANO.

SODALEM MARIANUM meditor,
quem ut meo ductu, in se forment
singuli, Ideam ejus aliquam vivis Mari-
anarum Virtutum coloribus expressam,
omnibus deinceps considerandam, mo-
dica in tabella propono, & Xenoli lo-
co offero; ea mente ut ad illum dein-
ceps se studeant omnes formare; quo-
ad, si non MARIA, MARIANA saltem
in singulis VITA formetur, Quod ut
assequamur, & ego manu velut fami-
liari ducendo, & Tu quisquis eo te no-
mine vis dici, pari gressu sequendo, do-
net illa, cujus honori uterque milita-
mus.

Tu interim inspice, & fac secun-
dum Exemplar.

Exod. 25.



✠(3)✠



✠(1)✠

Fœdus o Mariane pactuses, dum
Sodalis nomen sortitus es,
Belli quidem, sed contra vitia,
Pacis etiam, sed Evangelicæ;
Negotiationis; sed spiritualis:

Consilij in dubijs, mutui.

Auxilij, in necessitate, prompti.

Solatij, in adversis, opportuni,

Exempli, ad virtutem, optimi.

Fœdus inquam, Virtutis,

FOEDERIS SCOPUS.

Major Dei gloria.

Cultus MARIÆ ferventior.

Conversatio securior.

Vita sanctior.

Mors felicior.

Salus certior.

A Scopo si aberras, toto cœlo erras.

FOEDERIS OCCUPATIO.

MARIAM

Ut Matrem amare,

Ut Dominam honorare;

A 2

Ut

Ut Magistram imitari,
Ut Patronam invocare.

Falleris, si solo nomine, sine re uteris.

Si satis habes,

In Tabulas Marianas esse relatum,
Patronum menstruum esse sortitum,
Cœtui Mariano esse præsentem.

Si aliud non agis,

In numero Marianorum numerus es,
Vacuū Sodalis Mariani simulacrū es.

Non es, quod esse profiteris.

Fœdus tuum, Fœdus Virtutis est;

Quâ si cares,

Fœdus violas, nomen vitias, vitâ

Officium oppugnas.

Ne careas,

Docebo, quo pacto exerceas.

Virtus porro,

Cui te Fœdus adstringit Marianum,

Universam complectitur vitæ tuæ ra-
tionem;

De qua, quidquid sine virtute trans-
igitur, sine fructu prodigitur.

Ordire illam inde

Unde nasci Virtus omnis solet.

✠(5)✠

✠(II)✠

A COGNITIONE,

Sed illa, quam parit Veritas, &
Format Fides.

Et MARIAM Dei Matrem agnosce.
Qualem dum credis, supra creata
cetera extollis.


Jamque nihil infra Deum boni invenis,
Quod illi jure non tribuas,
Nullum encomium concipis,
Quo illam merito non insignias.
Nullum honorem tribuis
Quo dignam non sentias.

Qualem iterum dum credis, audies
Gratia plenam, de Cœlo salutari.
Benedictam inter Mulieres prædicari.
Sine labe conceptam, pie senties,
Sine labe vixisse; secure credes.


Jamq; illam, Maternitate Virginē,
Virginitate fœcundam,
Fide beatam,
Spe præcellentem,
Caritate perfectam,
Humilitate sublimem,
Paupertate divitem,

A 3

Casti-



Castitate Angelicam,
Patientia invictam,
Mansuetudine tranquillam,
Pietate divinam,
Dignitate incomparabilem,
Felicitate supremam,
Jam, Gratiarum Thesaurariam,
Virtutum Reginam,
Amoris Magistram,
Salutis Matrem,
Omnium Dominam,
Cum omnibus bene sentientibus
recte statues.



FIDEI DUCTU,

Ad Spem, Fiduciamque procede,
Totamque illam in unica post Deum
MARIA pone.

S P E R A

Ejus apud Deum patrociniis,
Quod tuo desperas merito.

1. Peccatorum veniam
Sperandorum illud primum est,
Quo sine desperanda cætera.

2. Emen-

2. Emendationis gratiam.

Spei tuæ illud alterum est.

Quid enim prodest commissa dimitti,
Et committenda iterum committi?

3. Virtutis subsidium.

Non enim recedunt vitia, ubi non
succeedunt virtutes.

4. Opportunam in necessitatibus opem.

Quæ tam tibi prompta est, quam tua
Fiducia firma est.

5. In tentationibus protectionem;

Quibus non vinceris, si à MARIA
protegeris.

6. In periculis tutelam.

In quibus laberis, si à MARIA non
educeris.

7. In miseriis solatium.

Solari miseros, Matris Misericordias
propriam.

8. In dubiis Consilium.

Hoc Matris Sapientiæ officium.

9. In morte subsidium

Quod nunquam negatur, ubi cum fi-
ducia MARIA invocatur.

SPERARE te jubet

MARIÆ Sapiencia
 Quæ, & novit quid desit, & discernit
 quid proficit.
MARIÆ Potentia,
 Ad cuius patrociniū, flectitur
 Omnipotentis placitum.
MARIÆ Bonitas.
 Quæ non solet negare, quidquid
 tu noveris sperare,
 Aude itaque ab illa sperare,
 Quidquid speras impetrare.
 Ne porro spes fallax
 Cor non reprehendat.
 Cor reprehendit,
 Cum ab illa speras, quam non amas,
 Aut amare non probas:
 Cum id speras ejus patrociniū,
 Quod non mereris tuo obsequio:
 Cum speras MARIÆ opem;
 Neque addis tuam cooperationem.
 Cum speras vitiis liberari,
 Quibus adhuc libet immorari.
 Cum speras Virtutis præmia
 Et declinas Virtutis opera.
 Cum rogas ita Gratia adjuvari,

Ut

Ut necesse non sit cooperari.
Spera in Domina, sed fac bonitatem.

Ut SPERES securè,
AMA sincerè

AMA MARIAM

Tot amoris actibus, quot Cordis motibus.

Tantò amore tuo digniorem, quanto
Deo cariorem.

Amat illam Deus, infra unicum Christum
supra creata cætera,

Tanto impensius, quanto dotavit
Liberalius, honoravit insignius,
Elevavit sublimius.

Amat ut Filiam primogenitam Pater,
Ut Matrem dilectam Filius,
Ut Sponsam electam S. Spiritus.

Ad amandam illam provocant
Præter Deum amoris magistrum,
1. Mentem Angelicæ, amoris divini
Æmulæ,

Quibus tanto MARIA carior,
Quanto illis puritate similior.

2. Beati cæteri, primi amoris discipuli,
Qui-

Quibus quanto Maternitate sua
M A R I A amplius commodavit,
Tanto eos ad amandum firmiter ob-
ligavit.

3. Justi omnes, amoris divini Tyrones;
Qui quanto student salutis suæ esse
Securiores,
Tanto solent esse Matris Salvatoris
Amantiores;

Ad amandam illam, post Deum
Supra omnes cæteros, ipsa provocat,
Tot titulis, quot Naturæ, Gratiæ, & Glo-
riæ excellit dotibus;

A M A B I L E M F A C I T
Conceptus à labe originis puritas,
Nulli concessa alteri.
Sanguinis à Sacerdotibus, & Regibus
ducti, nobilitas.

A Parentum sanctitate illustrata.
Nativitatis sanctitas, qua nulla
Ante illam sanctior.

Naturæ bonitas, qualis decebat eam,
De qua naturæ Auctor natus est.
Intellectus perspicacitas,
Quem sola regebat Veritas.

Affectus

Affectus honestas,
 Quem sola ordinabat bonitas.
 Vitæ integritas,
 Quam nulla ystia vit pravitas.
 Gratia ubertas,
 Quam nulla adæquabit posteritas.
 Virtutis sublimitas,
 Cui omnis creata cedit sanctitas.
 Formæ dignitas,
 Quam Virginea augebat Castitas,
 Morum decora gravitas,
 Qua omnes mire conciliabat.
 Conjugij felicitas,
 Quo nullum castius, & fœcundius.
 Maternitatis dignitas,
 Qua si ulla, rarior, & admirabilior.
 Partus divinitas,
 Quo nullus terris desiderabilior
 & carior.
 Materna erga omnes Caritas,
 Qua nulla benevolentior
 & profusior,
 Tot titulis amabilem omnibus,
 Ama titulo tibi peculiari,
 Illius Tutelæ, & tuæ Clientelæ.

❧(12)❧

❧(V)❧

Amare te M A R I A M,
Testare Honore,
H O N O R A
M A R I A M,
Quam summè honorat per seipse
Rex Gloriæ,
Quam ut honorare summè posset,
Gratiæ cumulavit plenitudine,
Virtutum ornavit perfectione.
Meritorum locupletavit copia.
Privilegiis donavit admirandis.
Quam donavit
Pater jure Primogenitæ,
Filius honore Maternitatis,
Spiritus S. dignitate desponsationis.
Quam constituit
Reginam Cœli,
Dominam Mundi,
Advocatam peccatorum,
Consolatricem Afflictorum,
Matrem Orphanorum,
Refugium miserorum.
Cujus opera tot operatur prodigia:

Cujus

Cujus intercessione tot confert be-
neficia.

Cujus Fidejussione tot remittit debita.

Cujus prece tot differt supplicia.

Quam honorat per suos omnes.

Per mentes Angelicas,

Quæ primas illi Gloriæ deferunt.

Per Beatos Cœlites,

Qui illam Gloriæ suæ Reginam agno-
scunt.

Per omnes in terris Dei Filios,

Qui illam salutis suæ Matrem dicunt.

Per Marianos, ante alios,

Qui se ejus honori mancipant.

Quam honorat, quidquid in Cœlis

Terrisque est honorificum,

Tot modis,

Quot sublimes de ea omnium sensus,

Et cogitationes.

Quot pleni honoris in eam affectus.

Quot expressa in singulorum animis

MARIÆ simulacra,

Ad modulum divinum formata.

Quot posita per Orbem Christianum

Ejus honori monumenta.

B

Quot

- Quot dedicata Tempora, & Altaria consecrata.
- Quot erectæ in compitis, in viis, in domiciliis ejus statuæ.
- Quot excusæ in chartis & membranis ejus Imagines.
- Quot in Ligno, Lapide, Metallis, Gemmis exsculptæ Icones.
- Quot Volumina, laudibus ejus vindicandis, concinnandis, amplificandis conscripta.
- Quot expressa Typis ejus Nomina, Elogia, Encomia.
- Quot suspensa, afferendis ejus miraculis anathemata.
- Quot recitatae ejus honori Panegyres.
- Quot Poëmata ejus Laudib⁹ decantata.
- Quot oblatae ei Coronæ Angelicæ.
- Quot refertæ ejus titulis Litanæ.
- Quot concinnatæ, ad eam laudandam, invocandam, propitiandam preces.
- Quot illi sacri Ordines Religiosi.
- Quot fœderata ad ejus Gloriam Sodalitia.
- Numera, si potes ejus generis omnia.
- Nega,

Nega, si licet, illi deberi,
Quidquid probat Ecclesia,
Docet Fides,
Suadet Religio,
Monet Pietas.

Non est nimium, si illud tribuit
MARIÆ, aut Angelus, aut homo,
Quod illi tribuit, qui summum tribuit,
Angelorum & Hominum Con-
ditor Deus.

Da illi, o Homo, quidquid habes &
potes,
Debere illi semper intelliges,
Quoad par illi aliquid, quod à Deo
habet, tribuas.

Dona illi, quidquid concipere potest
Tuus Intellectus, quidquid deside-
rare affectus,
Nunquam dabis, quod dare solius
Dei est.

Peccati immunitatem,
Gratiæ Plenitudinem,
Virtutis perfectionem,
Gloriæ singularitatem.

Eleva illam, quousque potes, modo ne
ad Divinitatem,

Nunquam evehes, ad parem illi,

Quam habet à Deo, Gloriæ dignitatē.

Nunquam ad Dei Maternitatem,

Nunquam ad Virgineam foecun-
ditatem.

Nunquam ad Humanam super
Angelos sublimitatem.

Ecce MARIANE,

Quo Dei Exemplo,

Quo MARIÆ merito,

Quo Virtutis jure,

Quo Honoris modo,

Quo tuo debito,

Honores MARIAM.

Honoris modos si assequi omnes non
potes,

Aliquos non negliges:

Quid ni illos, quibus Sodalitii Legibus
teneris?

Fœdus Honoris Mariani:

Illi te adstrictum noveris.

Nulla Hora transeat, quo non salutes
MARIAM.

Nulla

Nulla dies abeat, sine aliquo honoris
penso.

Ad id invitat pulsus Angelicus,
Sacrificium Altaris.

Nulla Hebdomas, cujus non diem
Unum illa sacrum habeat.

Nullus Mensis, quo non ad divinum
Filij ejus Epulum accumbas.

Nulla ejus Solennitas, quam & tu
Tibi, omni pietatis industria
Non habeas solennem.

Nullus congregatorū Sodalium Cœtus,
Quem non præsentia tua cohonestes.

Nullam devotionem obeas, cujus ei
Particulam non offeras.

Nihil Cœlo destines, quod non
Per manus transeat M A R I Æ.

Et quod te negotium, à negotio
Avocet M A R I A N O?

Non leve puta, quod magni habet
M A R I A.

Quale omne est, quod honori ejus
tribuis.

Ut verò etiam gratus sit honor tuus,
A Grato deferatur.

B &

Gratum

Gratum faciet conscientia à noxis :

Expiata.

Quod si negligis; quid tandem curas,

Quid à te ipse speras boni,

Si bonus esse non laboras.

Nec enim honoras digne,

Si vivis indigne.

Optimum si vis,

Promptissimumque honoris Mariani :

Modum.

IMITARE.

Hoc scilicet honorificentissimum

Divis est.

Ita vixisse,

Ugillorum vita sit omnium disciplina.

Id egisse,

Quod cum laude sequantur alii.

Age jam Mariane.

Hæc arena tua esto.

MARIA Mimitare.

Sinon potes assequi, laudis est insequi.

Qui pertingere non potest ad summa,

Laudabiliter subsistit in mediis.

Imita.

Imitare.

Ueris similis, qui esse non potes æqualis,
Non divinam ejus Maternitatem,
Non ab omni labe immunitatem,
Non in Virginitate Fœcunditatem,
Non divini victus Familiaritatem.

Sunt illa privilegia
Soli MARIÆ concessa.

Imitare,

Quod potes per Gratiam,
Quod debes per officium.

Id. Fidem MARIÆ,

Qua nulla fuit in terris admira-
bilio, nulla firmior.

Audivit:

Nasciturum Deum, quem noverat:
Esse æternum.

Parituram Virginem, sine viro
Fœcundam,

Moriturum, quem credebat:
Immortalem.

Vidit,

Egere omnium Largitorem,
Flere omnium Consolatorem,
Pati ipsam innocentiam.

B 4

Mori i

Mori Auctorem Vitæ,

Et credidit

Quanta Fides.

Sed & ad Fidei Regulam, totam

Exegit vitam,

Neque aliud corde credidit, aliud

Opere complevit.

Non quod amandum credidit

Odio habuit.

Nec quod habendum odio, amavit.

Non quod desiderandum, fugit.

Nec quod fugiendum, desideravit.

Credidit

In paupertate Spiritus, veras esse

Divitias, & elegit extremum.

In Castitate Corporis puras esse

Delicias, & servavit illibatam.

In Humilitate Cordis synceram esse

Dignitatem, & summam sectata est.

In patientiæ tranquillitate, esse animæ

Possessionem, & invictam probavit.

Crede Mariane,

Sed more MARIÆ,

Non verbo, & lingua, sed opere, &

Veritate.

Crede.



Crede,

Viam salutis esse, quam monstrat Fides.

Viam virtutis esse, quam tenuit M A R I A,

Viam rectam esse, qua ducit Veritas.

Viam planam esse, qua comitatur Ca-
ritas.

Non esse veras divitias,

Quas spinas dixit veritas.

Non esse veras delicias,

Quas offert Mundi Vanitas.

Infelicem risum esse, quem Aeternus ex-
cipit

Fallacem Gloriam esse, quæ definit in
ignominiam.

Fide,

Intellectum rege, ut non fallat.

Affectum corrige, ut non deviet.

Sensum cohibe, ut non seducat.

Fide,

Omnia Mundi promissa refelle.

Omnes Carnis illecebras repelle.

Omnes Diaboli machinas everte.

Omne peccati corpus destrue.

Fide,

Moderare prospera, solare adversa.

Firma

Firma Spem, accende Caritatem.
 Funda Humilitatem, Tutare Castitatē.
 Robora Patientiam, perfice Obedi-
 entiam.

Æstima Paupertatem: Virtutes omnes
 Adjuva.

II Imitare,
 Spem, & Fiduciam.

Illam in Virgine pariebat Fides,
 Fovebat divina Veracitas.

Animabat Caritas,
 Erigebat Fortitudo.
 Exercebat Patientia.

Illam non infirmavit
 Filii; in Carne Infirmitas,
 In Fortunis Egestas.
 In Fama Obscuritas.
 In Vita Mortalitas.

Non in doloribus miseria, in morte In-
 famia.

Spera MARIANE,
 Sed exemplo MARIÆ.
 Spem tuam funda in Dei Fidelitate.
 Solidā ejusdem Sapientia, quæ novit,
 Omnipotentia, quæ potest,
 Bonita-

Bonitate, quæ vult
Promissa exequi.

Inchoa à tui diffidentia.

Adjuva Oratione,

Conserva, in arduis & facilibus,

In secundis, & adversis.

Eaque te

Ad dura & aspera toleranda anima:

Ad operosa & difficilia agenda excita:

Adversus casus omnes arma.

Ad continua vitæ certamina roborata.

Illa certanti vires suggerit,

Vincenti palmas rependit.

Imitare,

Caritatem Dei.

III

Quam in Virgine

Perspecta excitabat Dei Bonitas,

Explorata augebat Benignitas,

Æterna inflammabat erga se Caritas.

Quid ni enim amat Mater Amoris?

Quæ Incarnatum Mundo amorē genuit.

Natum amoris Magistru[m] lactavit,

Exinanitum ex amore, consideravit,

Subditum in amore educavit,

Morientem ex amore vidit.

Quam-

Quantus jam amor ejus,
 Quæ in amore concepta est,
 Cum amore nata est,
 Per amorem aucta est,
 In amore mortua est.

Quæ Gratia fuit plena, Virtute perfecta.
 Quæ amorem probavit gravissima
 tolerando, optima operando.

Quæ amavit,
 Ita assidue, ut nunquam desierit,
 Ita pure, ut nihil admiscuerit,
 Ita generose, ut pati nihil recusarit,
 Ita perfecte, ut soli Deo cesserit.

Ama MARIANE,
 Sed amore MARIÆ.

Ut ames, excitet divina Bonitas,
 Stimulet Liberalitas,
 Urgeat ejusdem Caritas,
 Imperet tua Necessitas.
 Non vivis, si non amas,

A M A,
 Unicum, unice amabilem DEUM,
 In uno Deo, alia omnia.
 Ama, quidquid ille amat,
 Quamcumque tibi inamabile.

Ama

Ama pure, nihil admiscendo tuum:

Nunquid enim infinite bonus,

Amori finito sufficit?

Ama sincere, amorem opere con-
testando:

Ama generose, omnia amori
adversa superando.

Ama constanter, nunquā remittendo:

Ama ferventer, semper augendo:

Ama assidue, nunquam desinendo;

Ama ita,

Ut amor tuus sit Dux vitæ tuæ,

Comes mortis tuæ, negotium

tuum æternum.

Imitare.

IV Caritatem Proximi.

Proximus MARIÆ, homo quilibet.

Cujus illa in Primogenito Mater;

Cujus Christus in Matre Frater.

Illa omnibus amica, nulli inimica.

Amicos juxta, & inimicos complexa.

Amavit omnes, averſata neminem.

Idque exemplo Filii. Magisterio Sponsi.

Amavit sine discrimine,

Nisi quod, aut Virtus attulisset, aut
Vitium.

Amavit, usque ad oblationem sui,
Usque ad mortem Filii:

Amavit opere, & veritate,

Ama iterum MARIANE,

Sed & exemplo MARIÆ.

Ama omnes, exclude neminem.

Amor, ubi incipit desse uni, deest o-
mnibus.

Ne fallat ad Marianum explora.

Amor syncerus,

Non est temerarius Judex,

Non rigidus Vindex

Non benignus sibi, aliis malignus;

Non compensator mali, sed retri-
butor boni.

Non suæ beneficentiæ, quam alienæ

Injuriam tenacior:

Inurias tolerat, offensas donat.

Gaudet aliena paupertate; adversi-
tate dolet.

Non permittit intellectui suspicio-
nem,

Affectui amaritudinem,

Ver-

Verbis asperitatem,
Factis iniquitatem,

Non lingua, quam manu est promptior,
Non promissis, quam donis liberalior:

Consilii, & auxilii æque est prodigus.
Mavult obsequiis vincere, quam vinci.
Studet Obtrectatoribus laudes red-
dere,

Amat in Deo hominem, in homine
Deum.

Unicum ejus votum, Benevolentia,
Unicum ejus negotium, Beneficentia,
Tessera ejus: omnia omnibus.

V. Imitare,
Dei timorem.

Partus amoris timor est reverentialis,
Qui tanto in M A R I A fuit tenerior,
Quanto amor ejus purior.

Timuit illa, vel levissime Deum
offendere,

Non, quia pœna peccati sustinenda,
Aut jactura boni summi subeunda,
Timor ille, amoris quidem est,
Sed non defœcati;

Et alter quidem servorum est,
Mercenariorum alter.

Sed quia Deus est, infinitæ Majestatis,
Et immensæ Bonitatis:
Cujus Majestas digna omni honore;
Et Bonitas omni amore.

Time o MARIANE,
Non ut servus, plagæ metu
A malo absteritus:
Non ut Mercenarius, spe mercedis
Ad bonum impulsus;
Sed ut Filius, & illius quidem Patris,
Qui ex amore timendus, & cum
Timore amandus.

Ut Filius illius Matris,
Quæ est Mater Timoris, quia
Mater est amoris.

Time, non tuâ, sed Dei tui Gratiâ,
Non, quia peccatum tibi nocet;
Sed quia Deo displicet.
Cujus displicere, malis omnibus
majus est.

Time, ut mali nihil committas.
Boni nihil omittas.
Nihil in futurum rejicias.
Nihil obiter agas.

Uc

Ut nulli te mali occasione ingeras,
Nulli te periculo committas.
Time, tuæ in occasione, infirmitati
Tuæ ad malum pronitati.
Ut nôris recte timere, disce pure amare.

Imitare,

VI

Rectitudinem Intentionis.
Oculus MARIÆ simplex,
In solum, unicuique Deum intentus.
Oculus Sponsæ fuit,
Cor Sponsi vulneravit.
Nunquam ille à Dei Gloria,
Nunquam à perfectione propria,
Nunquam à salute proximi deflexit,
Amor, MARIÆ pondus erat,
DEUS MARIÆ centrum erat,
Nunquid alio potuit deflectere?
MARIA sagitta electa erat.
Scopus MARIÆ, DEUS erat.
Jaculator ejus amor erat.
Nunquid potuit aberrare?
Dirige Mariane,
Oculum tuum.
Et tuum centrum, DEUS est,
Sit & amor pondus tuum.

Et tuus scopus, Dei honor est,
 Salus propria, & aliena est.
 Sis & tu sagitta electa,
 Sit & jaculator amor tuus.

Cave cæcus sit.

Unicum Deum, spectet intentio tua.

Ab illo nunquam deflectat vita tua.

Ille sit Cogitationum, & Affectionum,

Ille verborum, & actionum scopus.

Oculum cordis dirigat oculus corporis,

Nequit ille in diversa,

Nequit nisi recta ferri.

Quocumque tendit oculus, eo feruntur

Pedes, eo totum corpus fertur.

Et quo tandem,

Nisi Deum spectet?

Utique quo prudentia Carnis,

Quo Sapiencia Mundi,

Quo astutia Diaboli diriget,

A Virtute ad vitium.

VII

Imitare,

Puritatem Animæ.

Quid purius anima MARIÆ,

Quam nec labe originis,

Nec culpa propria,

Nec

Nec noxa alicha unquam viciavit.
 Quæ Gratia fuit plena,
 Virtute fuit perfecta.
 Nullis perturbationibus obnoxia,
 Nullis tentationibus impugnata,
 Nulla pravitate occupata.
 Cujus mentem illuminabat veritas,
 Voluntatem inflammabat Caritas,
 Memoriam occupabat Deitas.
 Sectare o MARIANE,
 Puritatem animæ,
 Studio MARIÆ.
 Nulla eam gravis noxa inquinet,
 Nulla eam culpa levis occupet,
 Nullam accersat vitiosam cogitationē,
 Nullam admittat inordinatam af-
 fectionem,
 Nullam foveat pravam consuetudinem.
 Nulla seducat Carnis Cupiditas;
 Nulla illiciat Mundi vanitas,
 Nulla præcipitet perturbatio,
 Nulla sollicitet occasio,
 Nulla vincat Tentatio.
 Habe animam, ut oculum,

Nec fumum patiatur, nec pulverem.

Imitare, VII

Castitatem corporis.

Quid castius corpore MARIÆ?

De quo formatus Rex Castitatis,
Cujus appetitiones moderabatur ratio,

Cujus sensus regebat modestia:

Cujus mores componebat Virtus,

Cujus gestus ornabat honestas,

Cujus oculi, casti amoris illices.

Cujus forma, pudicitia Conciliatrix.

O MARIANE,

Castum esse, noveris Marianum esse.

Qui si non es, Marianus non es,

MARIÆ cliens non es,

Spurius Sodalis es.

Corpore te Marianum proba,

Castum id serua,

Non sola Virginum,

Non sola Cœlibum;

Dos omnium Castitas est.

Nulli licet non casto esse:

Ut castus sis, cautus sis,

Imaginatio non eludat.

Appe-

Appetitus non stimulet,
Sensus non seducat,
Occasio non abripiat,
Tentatio non illaqueet,
Abstinentia eam nutriat,
Vigilantia custodiat.

Labor exerceat.

Dolor muniat.

Abnegatio conseruet.

Cautio tueatur.

Imitare,

Humilitatem Spiritus.

Tanta MARIÆ Humilitas,

Quanta ejusdem sublimitas,

Quanta Maternitatis dignitas,

Virginittatis Fœcunditas,

Gratiæ Ubertas,

Meritorum copia,

Vitæ perfectio,

Gloriæ altitudo.

Tanta iterum ejus Humilitas,

Quanta divinæ Majestatis, &

sux vilitatis,

Divinæ Liberalitatis, & suæ Egestatis,

Divinæ potentix, & suæ infirmitatis

Cognitio.

Tan-

Tanta, ut quæ Deo Virginitate placuit,
Humilitate eundem conceperit.

O MARIANE,

MARIÆ demissio, tua est institutio.

Disce à summa esse minimus.

Quoquo te verteris, habes, quo humili-
lieris.

Vilem te Mater concepit, Mundus
suscepit,

Ante reum, quam natum.

Fundet Humilitatem nativa vilitas.

Firmet explorata Infirmitas,

Augeat perspecta Egestas,

Promoveat peccandi facilitas,

Expiandi difficultas.

Occasionum lubricitas,

Tentationū importunitas,

Naturæ, à bonis aversio,

Ad malum propensio.

Perficiat vitæ pravitas.

Nihil tibi tribue, quidquid in te alie-
num est, quale est, quidquid in te
boni est.

Nullum de pluribus, quam te accusa,

Nullum rigidius, quam te judica:

Nul-

Nullum justius, quam te damna,
 Ecce unde humilietis,
 Mirum si non infra omnes,
 Si vel supra unum.
 Humilem te sentiat animus,
 Testetur sermo,
 Probet vita.

X Imitare,
 Mansuetudinem Cordis.
 Quid mansuetius illa, de qua mansue-
 tissimus Agnus natus est.
 Quæ supra Naturæ infirmitatem,
 In omni adversitatum tempestate,
 In omni injuriarum procella,
 In omnibus miseriarum fluctibus,
 Conspirantibus in illam omnibus,
 Ex omni latere ventis tribulatio-
 num, velut mare aliquod
 tranquillum stetit.
 Nullus, quietissimum ejus animum
 turbavit casus,
 Non persecutio, non exilium,
 Non Filius, ab omnibus despectus,
 Tormentis subiectus,
 Cruci affixus,
 In Cruce mortuus. Ec-

Ecce MARIANE

Quam imiteris.

Quidquid tandem in te adversum in-
cumbit,

Non te exasperet injuria;

Non concitet calumnia,

Dissimula visa, tace audita,

Tolera irrogata, suffer negata,

Cede iræ alienæ, parce tuæ,

Bilem corde non concipe,

Ore non effunde,

Moribus ne prode,

Fel melle repende.

Prævide, quæ possunt evenire;

Præmuni animum, ne turbeat;

Dei placito, Christi & MARIÆ
exemplo.

Nulli te perturbationi permitte.

Mitiget æquanimitas, quod exaggerat
Infirmitas.

Imitare,

XI

Paupertatem Affectus, si non Effectus.

Quanta Paupertas, Dominae Mundi!

Egentissima fuit omnium,

Quæ omnium Dominum genuit.

Solo Domino dives.

Illæ,

Ille, tanto minus desideravit in Terris,
Quanto plus habuit de Cœlis.
Defectum Fortunarum, supplevit copia
Gratiarum.

Omnia sua secum detulit,
Quando in Ægyptum Filium extulit.
Quantum peculium, habere
Dominum omnium!

Marianus ut sis, pauper esto.
Paupertas Spiritus, est opulentia Virtutis.
Sive dives es, animo pauper esto.
Nil terrenum nimium appete.
Nil nimis tenaciter retine.
Nil amissum nimium dole.

Pauperem te gere,
Si non corporis habitu
Saltem Cordis affectu, & rerum usu.

Serviant opes,
Non voluptati Carnis,
Non vanitati Mundi,
Sed necessitati naturæ.
Res tuæ, non sint instrumenta vitio-

rum,
Sed adjumenta Virtutum.

D

Ima

Ita eris pauper in divitiis:

Dives in paupertate.

XII

Imitare,

Patientiam.

Quantam ejus patientia,

Quae pati nihil meruit,

Et nihil non pati voluit.

Quae tanto amplius est passa,

Quanto nobiliori coronae erat de-

stinata,

Cui mensuram doloris

Statuit mensura amoris.

Et cum Deum amaret plus omnibus,

Pro Deo plus omnibus toleravit.

Quae, pati cum Deo, summam putavit

Gloriam,

Pati pro Deo, summum Gaudium;

Pati praeter omnibus, suum putavit

privilegium.

Quae passa est in corde, quidquid Filius

In Corpore.

Disce pati o MARIANE;

Et hoc Marianum puta.

Degeneras a MARIA,

Si pati non vis cum MARIA.

Allud

Illud si non discis, non es M A R I Æ
Filius.

Non es Filij M A R I Æ Discipulus.
Filius doloris, ut natum dolori noveris.
Genuit te Dei Mater dolore suo.
Genuit te Dei Filius morte sua.

Disce pati.
Cum Deo qui pro te patitur.
Pro Deo, qui tecum patitur.
A Deo: qui à te patitur.
Ab omnibus, ut lucrum referas ab
omnibus.

Pati, communē omnibus.
Velle pati singulare paucis.
Gaudere pati, proprium perfectis:

O M A R I A N E.

Totum vitæ tuæ stipendium est pati.
Unicum symbolum tuum esto

P A T I.

XIII Imitare,
Devotionem.

Ultimam statuo imitandam,
Quam primam suadeo exercendam.
Occupavit illa vitæ Marianæ pr
cipium,

D 2

Secuta est progressum,
Tenuit Finem.

Cœpit cum vita, non desit in morte.
Omnis MARIÆ respiratio, fuit una
oratio.

Quocum versabatur Corpore,
Cum eodem loquebatur Corde:
Non desinebat Deum laudare,
Cujus laudi se noverat conditam;
Non desinebat Deo gratias reddere,
Cujus beneficiis se sentiebat cumu-
latam.

Non desinebat ejus opem invocare,
Quem noverat paratum adjuvare.
Non desinebat eidem supplicare,
Quem sciebat facile donare.

O MARIANE.

Devotionis exercitium, tuum noveris
officium.

Illâ si obiter defungeris,
Re optimâ pessimè uteris:
Est MARIÆ sodalitium

Communis pietatis consortium,
Qui tanto vaca impensius, quanto potes
frequentius.

Nul-

Nulla unquam deest occasio,
 Si prompta semper est devotio.
 Nullum occurrat negotium,
 Quod ejus excludat commercium.
 Illa sit omnis actionis condimentum,
 Quæ est præcipuum meritorum in-
 strumentum,
 Illius spiritu vitam anima,
 Qua sine ipsa vita est mortua.
 Illa te à Creatis abstrahat,
 Et ad Creatorem attrahat.
 Non sinat te adhærescere ad infima,
 Qui es destinatus ad summa:
 Eò te abducat mortalem
 Quò te perducet inamortalem:
 Et constitutum in terra corpore,
 In Cœlum elevet corde.
 Porro, Deum laudare tui muneris est,
 Gratias ei referre tui fœnoris est.
 Ejus opem invocare, tua suadet infir-
 mitas,
 Veniam rogare, tua jubet necessitas.
 Quæ omnia cum præstiteris,
 Superesse potissimum noveris.

Lapio


Lapis Pietatis Lydius,
Ad quam ejus exploratur synceritas,
Est crebra conscientiae expiatio,
Et sacrosanctae Eucharistiae sumptio.
Quae si rite obis,
Pium te Sodalem probas.

F I N I S.



Jesus Nazarenus
Rea judaeorum,

primus



41 $\frac{3}{K, 38}$


ULB Halle


3

006 653 480



VD 77





Farbkarte #13

B.I.G.



DALIS
 RIANVS,
 IDEAM
 TVTIS
 RIANÆ
 MATUS,
 IBVS MARIÆ
 NIBVS
 STRENAM
 BLATVS.

L. Storck
 Storck

LONIAE,
 RIDERICI FRIESSEM
 Coloniensis, sub signo
 RIELIS Archangeli,
 O M. DC. LXIII.